



# Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1858**

2368. Kurfürst Joachim und Markgraf Albrecht belehnen Friedrich  
Promnitz, Bürger zu Kottbus, am 27. Oktober 1500.

---

---

**Nutzungsbedingungen**

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

2368. Kurfürst Joachim und Markgraf Albrecht belehnen Friedrich Promnitz, Bürger zu Cottbus, am 27. October 1500.

Von gotts gnaden wir Joachim, des heiligen Romischen Reichs Erczkamrer, Churfürst, vnd Albrecht, gebruder, Marggrauen zu Brandenburg etc., Bekennen offentlich mit disem briue vor vnns, vnser erben vnd nachkomen vnd sunst vor allermeniglich, das wir vnsern lieben getrewen Fridrichen promnitz, burger zu Cotbus, zu rechtem manlehen gnediglich gelihen haben alle vnd ichlich lehengutter, Jerlich zins vnnd rent mit Iren nuczungen, zugehorungen vnd gerechtigkeit, Inma-ßen er die van vnsern vorfaren vnd nach lawt seinen briuen In lehen herbracht vnd besessen hat, darczu drey frey hufen für vnser Stat Cotbus, wie die Jacob Queyß In lehen gehabt mit vergunstung, erlobung, das er solch hufen fürder vererben vnd vmb Jerlich zins verkauffen oder auesten mag, laut vnser herrn vaters loblicher ge-  
dechnus briue, etwe hannß Queyßen darüber gegeben, deszgleichen den moller In der Singell mollen bey Buchholz, so er von Gotze Bewden auch erblichen gekauft vnd zu sich bracht vnd die auf sein vnd seiner erben behuf, wie recht, verlas-  
sen hat: vnd leyhen Ime die, wie obtet, In vnd mit crafft diczs briues, also das er vnd sein menlich leibs lehenns erben sulch lehen guter hinfürder von vnns, vnseren erben vnd nachkomen zu rechtem Manlehen haben, so oft noth thut nehmen vnd ent-  
pfahen, vns auch daruon halten, ton vnnd dinen sollen, als manlehens recht vnd ge-  
wonheyt ist etc. — Actum Cotbus, am dinstag nach Crispini et Crispiniani, jm XV<sup>ten</sup> Jare.

Nach dem Churm. Lehnscovialbuche XXX, 117.

2369. Consens des Kurfürsten Philipp von der Pfalz zu der Belehnung des Kurfürsten Joachim und seines Bruders mit der Mark, dessen Zubehörungen und Angefallen, vom 2. Dezember 1500.

Wir Philips, von Gottes Gnaden Pfaltz-Grave bey Rein, Hertzogk in Beyern, des heiligen Römischen Reichs Ertz-Truchses und Churfürst, bekennen und thun kund offentlich mit diesem Briue gein allermenniglich, als der Allerdurchlauch-  
lachtigste Fürst und Herr, Herr Maximilian, Römischer König, zu allen Zeiten Merer des Reichs, zu Hungern, Dalmacien, Croacien König, Ertz-Hertzoge zu Oester-  
reich, Hertzog zu Burgundt, zu Braband und zu Geldern, Grave zu Flandern und zu Thiroll, Unser allergnädigster Herr, zu Augspurg den Hochgebornen Fürsten Unsern lieben Oheimen und Bruder, Herrn Joachim, des heiligen Römischen Reichs Ertz-  
Cammerer und Churfürsten, Herrn Albrecht und Herrn Friederichen, Gebrüder